


Phuk lai sigang khri: tawx daux krax son
kawn nyawm wax



Meung raoma:
(meung
Siyiex)



Cao pa ti.iem: Edward Hughes

Pa daox paam: Lazarus
Alastair Paterson

Cox khre: Sarah S.

Cao sitoe: Iox Sarama Am Chaw

Cao: pa yuh lih: Bible for Children
www.M1914.org

©2020 Bible for Children, Inc.


phan: caomaix sang yuh Lih son sang coh "Ang chix" sang tuk,
sang rhoi: tawx kah pui "chix tix".



Yam ot Yesux piang haktiex nawhcao: krai:
grawhgrawng meung Siyandex kah kawncau nawh.
Yesux ah nin "Nyiiex Keeing Aux"
daux nyiiex keeing aux koe:

Lawg tom: nie-Nyiiex
Keeing aux mawh nyiiex
ting, nyiiex mhawm.


Nyiiex keeing
aux ting,



mhawm khaing
nyiiex piang haktiex in.



Yesux ah nan: "Aux sang hu khre; lawg sang ot pex,
mai aux tag sang deeh hoek teei: pex ing ot mai
aux." Yesux deeh ing raoma: khaix kaoh khaing yum.
Yam kawncau nawh jhak kah Yesux paiawm: viex
Yesux ing meung
raoma:
heu-e.




Jah yam an: Chritmas mawh pawie dohkeut ex kah yesux. Tawx sijax mukheu: kah kawncau nawh sang deeh hoek teei kix. Yesux ah "aux sang hoek sijaox yam ang pex keut." Viang mawh nan pui kawn khrit pa hoik yum voe sang hoek nawh huh ka mawx? Daux phuklai sigang khri: ah nin pui ankix sang hu: mai Yesux. Pui pa nyang yum tokaux pachix

Riang pa dex
mai SiYiex

om: kawx tieh loh kaux
ang chixom: ot tau:
mai Yesux heu-e.




Lai plak jhi: krai ex mhong grawhgrawng meung
raoma: padaox paham: tete koe: yuh nin, meung
raoma: mawh nyiex keeing aux. Siyiex nawh cao; ot
ku dauh ku dee: viang
mawh nan: dangneung
nawh mawh
raoma:



Kawncau raoma: mai can pa koe: piang
raoma: khankix krub kah siyiex.
Pui pa yumrhawm ka siyiex viang
nawh hoik yum kawx hu: meung
Siyiex heu-e. Kix rhaxlai pah
nyawmtinthiuet kah
Siyiex heu-e.




Daux lai rhax pah rhax kix rhax ah nin: Yesux
mawh pa keung tix teei kah phuk lai mai paoh kah
pa hoik tawx cum: kheu nawh
mawh Siyex pa hoik kham ti
yum: mai hoik liag ex ka nham:
tix son pui: kuceu can
pa koe: piang
haktiex
heu-e.
(laiplakJhi:
5:9)




daux phuk lai sigang khri: pah goik mawh lai plak Jhi:
Gawh grawng meung "Yerusalem pakhraox" veng an:
sidaing ting. Sidaing lhaong. Guh veng an: pa riieng
nawh awm: siang: simaox pa keid ngawh pa toh riang
kuceu, pa awm:


simaox
plaung
pa sigmaong
heu-e. Sivie
meung an:
yuh kah khri:
ploe: heu-e.




Siviex veang Yerusalem an: tag ang lai nyeep yam ponsingaix. (ponsawm siviex an: ang lai koe:). Hoek... laig, jhak heu-e. Aloh, daux veng an: sidaing mhawm (awm: siliak pa singax heu-e.)




Rawm klawng pa mhawm pa singaong kaoh khaing daungneung cie Siyiex. Prauk rhawmklawng an: koe khaox pah imju: (an: koe: daux sipeem: Eden heu-e.) khaox an: ang awm: khaox tang ceu. Khix singaix loh tix hu: plixan: kawx chix loh tix hu: heu-e. Plix an: koe: daux plix 12 ceu heu-e. Lhax khaox pa imju an: kieh jhawmsaux khankix moi: heu-e.



Meung siyiex ang lo: pariang pamawh koek mai khix,
simuing. Siyiex caonawh hoik mawh pariang. Dee:
an: ang koe ponbo: heu-e.



Tosat pa koe piang raoma: ang awm: pao tix. Viang mawh nan: kix chix ottau mai paotix, moh pao tix heu-e. Sox tiag mai kawn yung ih rhib tau. Sivai Sangsi: mai mawie kawx ih nyhee: nghox tau. Siyiex ah nin: sat khankix ang chuh: paotix kiiet paotix dau meung siyiex heu-e.



Ex Jhak kah praok sivie tix yaox. Pa ang Siyiex yuh
kawn koe: nang lie? Ang lai koe: krax meedrhawm
laurhawm ang lai koe: krax simah simaing kawx ang
lai koe:. Hing
sang luah
ang lai
koe: piang
dingsivie
sipiak ang
pui briex
lai koe:
meung
raoma:.



Ang lai koe: krax pie lhien. Ang lai koe: krax pauh
paotix. Ang koe pui sibawk. Ang lai koe: pui pa chix
chao paox tix
meung raoma:
heu-e.




Pui pa yumrhawm kah
siyiex ot tau mai nawh
cao: heu-e. Ang lai rhoik
rawmngai:. Tix bawk tix
blah pui siyiex yiam kheu
kix kied gaurhawm kheu
yao kix tix ot dee: an: mai
ju kix sidaing mhawm.
Meung siyiex siyiex sang
awd rhawmngai kix heu-e.



Meung siyiex ang koe: krax yum, pui siyiex tag ot
mai siyiex leeing ju: leeingphan: heu-e. -Dee: an:
ang lai koe: krax khi:rhwam. Ang lai yaox tix yum,
ang lai yaox krax saux.

Ang lai koe: krax
yuh haok nyiiex
kah pao. Ang
lai koe: krax
sipaong
pui yum.

Khawm uik
gaurhawm
tau mai
siyiex
heu-e.




Pa lheu: khaing an: pui pa yum rhawm kah yesux mai
napyam eenrhawm: kah nawh pon krax pa imju (krax
taoh) ku kaux Siyiex khre: son kix heu-e. Daux
meung rao ma: koe: lai, lai an: mawh lai kawnyung.
Daux lai an: koe: ceukaux tomnie:
tawng maix nang lie? Ceukaux pui
pa koe: dauxan: mawh ngie:
pui pa rawh pa see:
(pui pa hoik laug
siyiex khaing.)

Ceukaux maix
koe nang lie?



Phuk lai sigang khri: phuk paghoik, nghaox ex tawng
meung raoma: khwan singax singeh siyiex mai bun:
sinaw ah nin: "Hoek... hoek... hoek..." pui pa mhong
ah "hoek" pui mawh pa sang "Hoek" hoek heu-e. Mai
pui mawx pa cai: ti nyauxrhawm hoek tix teei mai:
ngauxrawm
imju:



ang shiao
tix tawx
ngawh.



Meung raoma: (meung Siyiex)

Grawh grawng: Jah pui tix yaox krax

Lauxrhawm koe: daux phuk lai

Lai Yohan 14; 2 Kaw Lintux 5;
Lai plakjhi: 4, 21, 22

"Gum lox Siyiex mawh pa riiang."
Lai yaog yaw 119:130





Hoik hoit



Phuk lai siyiex krai ceu padaox paam: pa yuh siyiex.
Nawh cao phan: ex kawn pui mai simie ex tawng ka nawh.

Siyiex tawng ex yuh pa khreeing pa brai: (an: heu-e mawh phimap.)
Ngawh phimap mawh krax yum. Viang mawh nan: siyiex sidaing moh
ka maix nawh tawx kawn Ai tix, yesux yum son maix piang khaox
lhak. Yesux kaoh khaing krax yum mai; ing meung raoma: phan
maix yum rhawm ka nawh cao: maix rawg tix pluat ploi:
phimap maix. Nawh sang pluat ploi: phimap maix mai;
nawh cao: sang ot tau mai maix leeing ju heu-e.

Phan maix yumrhawm graghrawng in mawh te te.
Maix ah nin kah siyiex. Siyiex eu-e Aux yumrhawm kah maix.
Maix mawh siyiex aux. Maix lih piang haktiex son sang taoh aux.
Yamin kawx maix im: leeing ju:. Yuh bwan son pluat ploi: phimap
aux mai; laig ot tau mai aux liak. Aux sang im: mai; tixngaix sax
sang ing ot tau mai maix leeing ju heu-e. Teem aux liak son
sang mawh kawn maix mai nabyamg kamaix heu-e. (A min)

Phat lai Yohan 3:16 phat ku singaix mai;
rawg bwan ku singaix awx.

